

續修四庫全書



《續修四庫全書》編纂委員會編

續修四庫全書

上海古籍出版社

六四四・史部・地理類

〔光緒〕山西通志一百八十四卷首一卷（卷九十八至卷一百三十一）〔清〕曾國荃 張煦等修 王軒

楊篤等纂

2415124

〔光緒〕山西通志四

〔清〕

王曾國荃
軒荃

楊張

篤煦
等纂
等修

據清光緒十八年刻本
影印原書版框高一九
六毫米寬二九六毫米

山西通志

通志單行本

光緒二十五年
吳甫楊篆

〔光緒〕山西通志 卷九八

山右金石記

通志單行本

目錄

卷一

銅器

鐵器

貨泉

卷二

碑碣 漢 魏 晉 後魏 北齊 北周 隋

卷三

碑碣 唐 武德 至景龍

卷四

碑碣 唐 先天 至永貞

山右金石記目錄

卷五

碑碣 唐 元和 至天佑 五代 後唐 晉 漢 周 北漢

卷六

碑碣 宋

卷七

碑碣 遼 金

卷八

碑碣 元

卷九

摩崖

幢柱

石題

造像

法帖

磚瓦

卷十

補遺

凡金刻一百三十八石刻一千五百二十四

校宋通志次及金石擬同經籍祇標名目而別輯專書與之並行草創未半自嫌其略且念一家著述難臻賅備博訪旁搜大需時日而官書鈔撮爲能門類既多詳略互見正不容執一例以爲定也乃復錄及跋尾間得打本亦加考證閱旬十四成書九卷迨於剞劂諸多漏列統爲補遺一卷其有同志續寄新拓得隨時編入焉刻既成索觀者衆遂先印行署曰山右金石記用播藝苑以廣墨緣云

山右金石記目錄

二十

金石記十

記五之十 山西通志第九十八

賜進士出身頭品頂戴都察院右副都御史巡撫山西提督學政張爾岐

有監修

補遺 銅器 鐵器 碑碣 摩崖 幢柱
石題 造像 法帖 磚瓦

周杜黃輝銘

壽陽祁氏藏器 篆書

徵仇亭詩集注道光初年賜器也解底亞文中有古篆武進李願慰堂釋其文曰杜黃撰寶輝山房記

謹案左傳晉膳宰屠蒯禮檀弓作杜黃

漢汾陰鼎銘

器久失所在 篆書

虞荔鼎錄漢元鼎元年汾陰得寶鼎即吾邱壽王所議之

山西通志卷九十八

金石記十

一

鼎高一丈二尺受十二石雜金銀銅錫爲之四面蛟龍兩耳能鳴三足馬蹄刻山雲奇怪之象紀靈圖未然之狀其文曰壽考天地百祥臻侍山伏其靈海伏其異此銘在底下又別有銘或浮或沈皆古文複篆上古之鑄造也

謹案銘辭不類三代當是後人刻之鼎底者其所云

又別有銘皆古文複篆者必在鼎腹乃原銘也考漢

書汾陰得鼎並無款識故吾邱壽王謂爲漢鼎非周

鼎以迎合時事非真識也然唐韋續言小篆周時所

作漢武帝得汾陰鼎即其文皆與史異必有所本

晉旌陽令許遜劍銘

太原武氏舊藏 篆書

廣異記唐開元末太原武勝之爲宣州司士知靜江事忽

於灘中見雷公踐微雲逐小黃蛇盤繞灘上靜江夫役戲
投以石中蛇鏗然作金聲雷公乃飛去使人往視得一銅
劍上有篆許旌陽斬蛟第三劍云

後晉靈泉寺銅鐘記

今在陽城縣西北四十里劉村

澤州府志門山僧洪密所遺鐘以銅鑄銘記後晉開福
年其形橢而不圓案晉惟天龍開元二號志未見其鑄
蓋仿古鑄造或即就古鐘鑄記後

宋汾陰銅節字

大中祥符三年 篆書

玉海汾陰銅節道熙十年竊事願獲吳璿以獻於朝其文
曰皇帝車駕奉祀汾陰之寶詔藏天章閣下工部考覈乃

銅也

《山西通志卷九十八

金石記十

二

右銅器

隋安邑古鐵板銘

開皇元年 八分書

隋書五行志安邑掘地得古鐵板文曰皇始天年資揚鐵
壽

宋天聖鐘識

天聖二年三月 正書今在祁縣治縣樓上見縣志

宋嘉祐鐘識

嘉祐三年四月 今在岳陽縣城北門樓上見山石金石
存略

宋崇寧鐘識

崇寧五年 今在沁水縣城東門樓上

宋大覺寺鐘識

元祐七年九月 今在岳陽縣南二里寺中

宋洪慶觀鐘識

政和二年 今在垣曲縣南洪慶觀

宋政和鐘識

政和三年三月 今在翼城縣十方院並見金石存略

馬莊武王祠鐵人題字

今在猗氏縣北門內馬燧廟

猗氏縣志廟中金人二一宋政和三年造一金天會十

五年造俱高四尺許

金崇福院鐘識

《山西通志卷九十八

金石記十

三

天會十二年 今在沁州治縣樓上

沁州志鐘高六尺圍丈餘本崇福院物列街有左監門
衛大將軍知沁州軍州事李興仁同知沁州軍事判官

田說知銅鞮縣事劉常知武鄉縣事李輔金知沁源縣
事王浮知綿上縣事劉元寄銅鞮縣權主簿郭諫

金天眷鐵醺盆識

天眷元年五月 今在萬泉縣泰山廟見金石存略

金東嶽廟鐵醺盆識

皇統元年 正書今在隰州

隰州志益題鎮國上將軍南隰州刺史趙寬名下座爲
明天順時知州趙寬所鑄先後數百年同官同名共成

一器亦奇

金顯慶寺鐘識

皇統七年 今在汾陽縣北十里劉村見金石存略

金貞元鐘識

貞元三年 今在潞城縣城隍廟

金正隆鐘識

正隆六年 今在浮山縣儒學

金大應寺鐘識

大定五年 今在徐溝縣

金大定鐘識

大定六年 今在翼城縣城內鐘樓

金聖母廟鐘識

大定二十年二月 今在浮山縣城內

山西通志卷九十八

金石記十

四

金大定鐵獅題字

大定二十四年 今在平陽府關廟儀門外並見存略

金馬莊武廟鐵醺盆識

大定二十四年 今在猗氏縣

金石存略盆高四尺許圍約八尺文曰大定二十四年二月八日前知大清觀道士李敏修記

金壽陽鐘識

大定中 今在壽陽縣署

徵執亭詩集注壽陽縣云古城南古城北沒耳金鐘露半壁道光丙申邑侯鍾元甫於縣治前得之乃金大定鐘也

金明昌鐘識

明昌七年 今在平陽府城大中樓

金石存略鐘高丈許圍一丈八尺字多剝蝕惟佛寶二字及皇圖永固十六字完好

金永安鐘識

永安三年正月 今在萬泉縣城北門樓

元無佞侯廟鐵醺盆識

至元二年 今在臨汾縣東二十里翟村

元壽平寺鐵獅題字

泰定三年十月 今在臨汾縣高河橋

元至正鐵醺盆識

至正十三年 今在猗氏縣城內關廟並見金石存略

右鐵器

漢文欽碑

山西通志卷九十八

金石記十

五

元光四年 舊在絳州見通志金石略

別本郭有道碑

光緒戊子濟甯州出土今在州學

謹案碑高六尺許文在穿下額篆漢郭有道先生碑

隸法遒古一時競傳為中郎真迹然千里盜碑終是

疑案後乃有言是乾隆中州人李東琪所刻者拓數

本即埋地中其剝落皆偽為者上截每字斧痕顯然

魏閭鄉敬侯衛顗碑陰

聞人牟準撰 舊在猗氏縣

謹案楊用修集金石古文有此碑文云敬侯所葬之

先域城惟解梁地即刳首山對壘足谷當猗口勢高

而趣幽形垣而背阜鑿室而可以蔽藏不墳而所冀

速朽珍琦素白而靡尙衣服隨時而則有故吏述德於隧前門生紀言於碑後曰季居亭而已治詹嘉在主而可友據高平之厚地將億種而永久所著述注解故訓及文筆處甚多皆已失墜惟法孝經存倉頡

冢碑大篆書在左馮胡利陽亭南道旁及華山下亭碑增算狀殷叔時碑魏大饗碑羣臣上尊號奏及受禪石表文並在許繁昌尊號奏鍾元常書受禪表觀並金針八分書也太祖文帝等臨詔令雜駁議上封事一百餘條誠子等散在人間及碑石可見樹碑人郡國縣道姓名共如干敬侯碑不知亡於何時據文中故吏述德門生記言當是刻於原石之陰者方志僅舉其地惟解梁四語並墓不能確指所在錄其全

《山西通志卷九十八 金石記 六》

文以存古蹟於魏初諸碑亦頗足資考核也

魏高陽侯母邱與碑

八分書舊在聞喜縣

李嗣真書後品母邱與碑云是索靖書比蔡石經無相似借

謹案與母邱儉之父其故里在縣南邱村儉被害後先墓並夷碑蓋晉時追立者

晉安邑令徐君碑

西晉時立見金石錄

後魏并州刺史王坦墓碑

舊在絳州見金石略

北齊佛經殘碑

河清三年 正書今在絳州

山右金石存略光緒十年龍興宮出土爲洪姓所得石缺少半字多剝泐可辨者一百二十二字

隋寶泰寺碑

開皇五年 今在黎城縣西八里刈陵故城

謹案碑爲刈陵縣政新鄉郭伯琛與華川鄉李廷壽等爲故襄垣太守造浮圖所立者碑末書弟子劉世遠供養文上空五格別刻潞州司馬薛選頌及大浮圖主李買妻申府郡肱正書時雜篆隸開皇作閭皇

隋神山石佛碑

開皇二十年 今在陵川縣東二十五里神山頭見續志

唐會善寺貞觀法師碑

貞觀二十一年 釋智宗撰常皋嶺書舊在潞安府見山

右碑目

唐蜀王西閭祭酒蕭勝墓志

永徽二年 石今不知所在

唐韓通碑

龍朔元年 舊在浮山縣並見碑目

唐韓啟墓碑

龍朔二年 今在洪洞縣東二十里蜀村見碑目補遺

唐薛貞墓志

龍朔三年 今在太谷縣陽邑鎮見山右金石文鈔

謹案貞字君幹祖荊州錄事父并州祭酒石並缺其名墓在陽邑故城南一百步不知何時出土文中乃

祖乃父冠冕相承爲質爲文並參職位又構疾相侵藥餌不療沈痼遂固諸語與近年陽邑所出之碑正馬憚南溪令孟貞二志一字不異可怪也

唐中德墓志銘

咸亨元年 正書今在祁縣東南十里申村

金石文鈔申君字儒宗文稱祖達任清河縣令而不及父蓋無爵位也其云改葬上申村即今申村與下申村相距數里咸亨至今千有餘年而申氏後裔族處者猶數百家亦足見安土敦仁風俗之厚也

唐飛騎尉連簡墓誌銘

周天冊萬歲二年 今在襄垣縣西十五里

襄垣縣志石於道光初出土縣令張力卓仍封於墓而

山西通志卷九十八 金石記十 九

別立碑其上碑略云連簡字隆暨與妻張氏同穴石首行通大周故飛騎尉連府君墓誌銘其序十六行銘七行文沿六朝餘習字兼篆草行三體其載年月日等武后所製唐武散官飛騎尉秩從六品君以征高麗功得補斯職序稱六郡良家首膺召募與貞觀十九年克遼城詔率五陵之勁卒董六郡之良家合卒於永昌元年實中宗嗣聖六年明年九月武后稱皇帝改元天授國號周飛騎不及見耳葬於天冊萬歲二年景甲一月天冊萬歲次年即萬歲通天元年春時尚未改也丙作景猶避唐諱也武后以十一月爲正故以正月爲一月至謂連氏系出伯禽是東野之比意當時通姓氏學者多源流或不諱墓經今一千一百三十七年矣連族環居

衣衾相承徒以譜牒失傳未能紀遠秋塲既濛約與赴勘地室隱然其上平曠六畝范氏之業屬其公賻仍封誌石並成墳植樹以表之案州縣有志石出土者當以張令此舉爲法

同良墓志

咸亨五年 正書今在祁縣見金石文鈔

謹案良字文善文敘先世云祖介休弦歌閭思之苗裔澤州潞城縣鳴琴閭珍之允旨焉語殊拙澁似是其遠祖思爲介休令父爲潞城令者然唐潞城並不屬澤州也

唐慈德寺會真法師紀德碑

垂拱三年 馮內直撰席望海書舊在潞安府見碑目

唐驍騎尉段雍及處士段威二誌銘

垂拱元年十二月 今在平遙縣見金石文鈔

謹案二石於道光中同時出土據誌雍字德亮其先雁門人曾祖歡齊并州司馬祖昌隋定州司戶父羅并州兵曹雍以從征高麗授驍騎尉感字名遠雍從子也文不著其父名與雍同日葬段村東二里

唐都尉司馬府君殘碑

行書今在文水縣見金石文鈔

謹案碑剝泐僅存百七十餘字名字俱佚賴標題知爲氏司馬文中有霜戈曉建星劍霄摩太宗文皇帝親所鑒臨至貞觀之初追惟故事諸語知爲唐初以武功佐命者書法絕似聖教當是僞周革命以前所立也

唐大雲寺彌勒重閣碑有陰

周天授二年 杜澄撰荆師古行書今在猗氏縣仁壽寺

議案碑前標題又有聖德芝草頌一行而以撰書人分繫二行之下爲石刻側見文聯麗書雜行楷多武后新製字漫漶不能成讀碑額有造像陰列施主姓名字亦殘缺撰書人結銜惟杜澄存前校書郎四字

唐揚州長史薛寶積碑

周長壽二年 正書額篆書今在臨晉縣北四十里平宜村

村

竹庵金金石目錄云寶刻叢編揚州都督府長史薛寶積

碑王處撰文林耶王應坦書長壽中立在河中府是碑漫漶

過甚惟額書大唐故揚州長府薛府君之碑十二字尙

完好知卽寶積碑無疑

謹案碑僅存上半連額剝泐之餘可辨者約二百字

諸家著錄並列武周長壽時而額題大唐終可疑也

唐棲巖寺詩碣並記

周長安二年 今在蒲州府東南十五里見金石文鈔

謹案碑曾爲趙氏銘錄前刻高宗御製過栖巖寺詩

五言十韻河東縣文林郎韓懷信書後署咸亨三年

十一月八日次刻鳳閣侍郎平章姚崇五言律題爲

過栖巖寺和司直韋元巨韻而以韋詩附之鈔本有

在訪使張柬之建隆寺五言一首後記爲河東

主簿韋元晨撰亦韓懷信書事頌姚崇大略言崇奉

命按視河東鹽池既畢蒲州刺史李千里約遊棲巖

崇有詩紀遊尹元凱爲書之及崇復命而天后喜賜

以詩崇復有和章元晨以崇學行政事文章爲三絕

又以棲巖名勝元凱名筆合以朝廷之寵遇爲六絕

云云碑中元旦元凱千里唐書並有傳元晨不知爲

元旦昆弟行否崇按視鹽池本傳不載此文亦可備

名臣軼事也

唐宋隴紀德碑

景雲二年 趙棲桐撰殷祈書舊在汾西縣見碑目

唐柏梯寺碑

開元六年十月 徐彥伯撰胡輔之書今在虞鄉縣

金石文鈔徐彥伯唐書有傳神龍元年爲蒲州刺史而卒

於開元二年碑刊於六年故結銜署前蒲州刺史彥伯本

名洪以字行史稱其七歲能文觀是碑信博麗也書人他

無所見碑署處士安定胡輔之錄

唐玉京觀碑記

開元十一年 李璿之撰徐浩書舊在絳州見碑目

唐伯夷叔齊碑

開元十三年正月 分書今在永濟縣首陽山

平津讀碑記碑爲邑宰太原王公所建梁昇卿撰文及書

銘末有黃鉞不降志五字當是碑中脫文故附於末

唐薛元允碑

開元十四年 李邕撰白羲暉八分書舊在絳州見碑目

唐王禪成造浮圖碑

開元十八年 今在太原縣山右金石錄碑目並著錄

竹崎金金石目錄三後有李太白題名

唐彭珍墓誌銘

開元二十一年十一月 行書今在屯留縣

金石存略碑近年出土石少一角銘詞缺十八字彭君謹珍字汝珍曾祖叔齊伏波將軍上黨太守因官子孫於此家焉父亮上柱國皆於史無徵書最粗略其甲申屯縣西北十里高厚句當是甲申下遺葬於二字屯下遺留字

唐甯國寺碑

開元二十二年

沙門崇福撰史館書舊在絳州見碑目

唐權奉古謁廟記

開元二十三年

趙傑書舊在潞安府見碑目

唐榼山浮圖讚

山西通志卷九十八

金石記十

主

開元二十五年

今在沁水縣端氏鎮大雲寺

謹案碑前署朝議郎上騎都尉行端氏令張不孤撰雁門解莊書莊碑作莊文駢麗正書圓潤純學登善銘詞

下題大唐開元廿五年歲次丁丑十月辛丑朔廿九

日已已雕鐫既畢共讚嘉聲與書人名籍並用小字

旁注書人上又注重嘉義一心供養字

唐同州別駕崔禹傳碑

開元二十五年

權僊撰黨撫分書舊在潞安府

唐裴耀卿宗族碑

天寶元年

崔述撰章若訥分書舊在絳州並見碑目

唐宋慶墓志銘

天寶三年七月

正書今在祁縣見金石文鈔

謹案碑文多殘泐其名季及敘述先世幸皆可辨略

云君諱慶字其曾祖籍荊州刺史祖則上黨縣令惟

父不事王侯隱居求志又云葬於武亭零茂村據閭

良墓志亦有葬零茂村諸武亭殆其鄉名歟

唐何知猛墓誌銘

天寶七年五月

今在永甯州見碑目及金石文鈔

謹案何君名知猛字元須而文敘其家世云曾祖令

輔隋任脩化令祖開文上柱國父知猛騎都尉父子

同名必書人之誤文首悲夫作悲訣末銘曰作銘粵

日粵二字古通訣則罕見也石於道光二十三年出

土有知州王繼賢題記

唐夫子廟堂記

山西通志卷九十八

金石記十

主

天寶十一年

今在太原縣

平津讀碑記碑前題駕部郎中程浩撰朝議郎判尚書武部員外郎張頌撰朝議郎散大夫檢校尚書都官郎中

東海徐浩篆額末題天寶十一載歲次壬辰四月乙丑朔

廿二日丙寅建唐會要天寶十一載二月二十八日改兵

部曰武部駕部曰司駕程浩撰此記當在二月二十八日

以前魯公書又在二十八日以後此記本刻在扶風縣文

苑英華唐文粹載浩此記俱題作鳳翔府扶風縣文宣王

新廟記後人愛魯公之書刪去扶風古縣也一段所在重

刻其見於世者有湖州華州諸石文苑英華唐文粹記末

題大曆二年某月記當是後人重刻年月編書者誤為撰

碑年月連屬於下耳

唐刻波羅密多心經 有陰及兩側

天寶十一年 今在絳州

諸案此石正書心經其陰草書釋迦牟尼佛阿彌陀佛等讚兩側一刻天寶十一載七月十五日一刻太子賓客高子珍書道光中出土藏州人張學博鶚率

家

唐襄城令鄭遑墓志

天寶十三年 今不知所在見碑目

唐智通禪師塔銘

天寶十三年 沙門復珪撰今在永濟縣樓巖寺

金石存略石久陷土中光緒庚寅經朝邑閭相國訪得始為掘出禪師姓張氏虞鄉人行書絕佳而碑無書人姓名

山西通志卷九十八

金石記十

十四

唐萬泉令裴千鈞德政碑

天寶中

唐普救寺碑

廣德二年 舊在襄陵縣見碑目

唐吏部侍郎鄭嬰疾碑

永泰元年 張楚金撰史維則分書舊在潞安府見碑目

唐鐵元始像讚並承天軍城記

大歷元年 道士胡伯成撰今在平定州娘子關老君洞

金石文鈔讚與記共刻一石其序稱張公英果絕倫雄略

冠代初則環山作城終乃宏道佐主遂精銳足巧範鐵莊

金知公之守則固戰常克皆慈衛之力也雖勿受福神其

舍諸云云所謂張公河東節度兵馬使張奉璋也舊唐書

王綰傳大歷三年綰兼太原尹北都留守河東節度太原舊將王無縱張奉璋以綰儒者易之每事多違約東綰一朝悉召斬之是像成不三年而奉璋且以軍法死碑所謂受福者安在哉

諸案州志於此碑惟錄承天軍城記而略像讚不言

又誤為李諶文山右金石志略據以著錄而以文中

有開皇大業字為疑今考原碑乃皇六葉賊臣總燕

師者帥漁陽雜錄明指安祿山州志譌六葉為大業

又於句首妄增開字遂似前代往事者宜為王氏所

譏奉璋事蹟具見唐書史思明傳伯成二文合刻像

讚乃本事軍城特追記之為鋪張功業地其末段云

公又於黃沙嶺築德化成示懷也慕容隘築沙胡城

山西通志卷九十八

金石記十

十五

示威也復聯建三堡絕細徑也皆有開晉東掌故者

志亦削去不錄其碑後列銜有大使特進太常卿上

柱國南陽開國子食邑五百戶張奉忠以下諸人結

具副使王丕陳遵嶠副使張其一行亦游奔使吳廷珍

營田副使張如珪防城副使廉明都虞侯孫希晏將

雲麾將軍于光庭張鸞子此下二行曹龍興此下

並缺凡十七人內張奉忠下有管樂歟三字陳遵

嶠下有杞梓歟三字皆不可解伯成自署滑邱道士

蓋太原人也

碑誌玉碑

大歷六年 韓濟撰集賢學士口口書舊在絳州見碑目

鄭晉程元英碑

大歷七年五月 李邕撰張廷珪八分書見金石錄

謹案董氏目錄作程文英無撰人云在河津侯考

唐魏文侯師段干木廟銘

貞元二年八月 盧士牟撰趙彤書今在芮城縣

平津讀碑記水經注河水自河北城南東徑芮城二城之

中有段干家後人因建廟其地范陽盧士牟撰銘唐書卒

相世系表盧士牟和州刺史碑剛作劉儼作儼避作避皆

異文案拓本趙彤芮城令趙通志作貞觀二年

唐贈石僕射王謙光碑

貞元十七年 權德輿撰鄭士林書舊在潞安府見碑目

唐衡山王寺碑

貞元十七年 李異撰羅君立書元澄篆額舊在澤州府

唐龍泉記 山西通志卷九十八 金石記十

元和三

今在芮城縣

平津讀碑記鄉貢進士張鑄述河東裴少微書末題順宗

皇帝傳位之明年涼風至旬有五日記河東裴勳書額不

又題元和戊子歲月在萬葉十八日書則張鑄撰此記在

元和元年裴少微書此記又在元和三年也

唐棲伽寺碑

元和六年六月 僧道明撰今在蒲陽縣城東太平村

謹案碑見金石文鈔標題大樂山重修古楞伽寺碑

記文記寺界至有云東至峯神廟西至礪石山南臨

上馬平北據默峪澗與大樂山皆古地名之有實志

乘者

唐左常侍薛萃碑

元和十五年 孟簡撰柳公權書舊在蒲州府

金石錄唐史列傳云萃父順為奉先尉而此碑及元和姓

傳皆云名順先蓋史誤也

謹案金石略作散騎常侍致仕薛萃碑在蒲州

唐報國寺泛舟禪師塔銘

長慶二年 袁九撰薛穎書今在安邑縣見山右金石錄

唐振武節度使單于大都護府張維清政績碑

寶歷二年 高欽撰舊在和林格爾廳北

宣室志黑山之陰有衛公廟寶歷中張惟清都護單于其

從事盧立營夢一人頤長黑衣告立曰吾居於衛公廟且

久矣子幸遷我於軍城已而遂去及曉立不喻即入白於

唐龍泉記 山西通志卷九十八 金石記十

惟清曰衛公於國有大勳今廟宇墮殘飄灑且甚願新其

土木之製惟清喜而可其語先是單于府以惟清有美化

狀其政績請護軍賜忠表閱於上有詔命中書舍人高公

欽文其事刻於碑詔既至而未有碑石方命使採石於雲

中郡未還及修衛公廟鑿其西得一石方而長其下有刻

出張字應然可辨工人持以獻惟清惟清喜曰天賜吾之

碑石因召從事視之立且驚且異因起賀而白前夢於是

以石為碑刻高公之文焉

唐龍泉後記

太和六年七月 鄭澤撰姚全正書今在芮城縣

平津讀碑記太和六年夏陝號羣牧使袁孝和禱雨龍泉

有應芮城令鄭澤為撰此記文云太和五年秋六年春歷

四甲子無雨雖有風雪亦不及農用舊唐書本紀太和五年是冬京師大雪六年春正月乙未朔以冬雪廢元會王子詔去冬以來踰月雨雪寒風尤甚陝號去京非遠其雨澤不同若是

唐甘泉山寺口禪和尚碑銘

太和六年十月 王肇撰并書今在文水縣見金石文鈔

唐梁春墓誌銘

太和七年十一月 即壽陽安定梁君墓誌已見前記

謹案文略云安定梁君卒於晉陽望幸里春秋享秩一十有一邇寔於壽陽縣飾露鄉段亭村莊之西巨

山之南君名春字春河東節度散將驃騎大將軍試殿中監輔國之孫河東神將儒林郎試宋州宋城縣

尉季淮之子又云孝經論語通卷背文顏氏字類之

書問之便寫以十一齡童子能之亦無大異而撰銘

者直稱爲梁君以漢逢威碑例之過矣咸寧十二年

唐石佛谷詩碣

開成元年 皇甫暉撰李道夷書今在鳳臺縣

謹案碑見金石錄時刺澤州石佛谷即碧落寺也

唐黃公記

開成六年 李漢撰裴子方書今在絳州

平津讀碑記碧落文爲李漢書碑陰記其始末前題黃公記末題開成二年十一月廿五日絳州長史李漢記新唐

書世系表譔封黃國公碑國在縣字雖劫下半尙可辨

唐盧榮望墓誌銘

咸通四年 今在汾州府

謹案榮望墓在府城西北三百步石不知何時出土

書體近誠懸時雜行草文敘盧之先世引晉尙書盧

雄宿清河崔暗墳得鬼妻生子故事下卽書其祖某

殆呂黎所謂惟怪之欲聞也

唐碧落文碑側記

咸通十年十月 今在絳州

平津讀碑記文末題宏農楊墳記墳楊嗣復子新唐書本

傳路嚴爲相使墳按獄黔中踰年還三遷絳州刺史題記

正其時所作

唐元宗哀冊文

史錦八分書舊在潞安府見通志金石略以下皆不詳年月

唐汾陽王將佐略

無撰書人舊在蒲州府

唐開元寺汾陽王像殿碑

僧開祕書舊在蒲州府

唐東川節度使李叔明冠冕頌

趙滔書舊在潞安府

唐蒲州刺史裴寬德政碑

韓擇木八分書舊在蒲州府

唐絳州刺史邵國公韋陟遺愛碑

蘇嬰八分書舊在絳州

唐薛光裔碑

陸尙賓書舊在絳州並見金石略

唐立泉陶廟碑

顏真卿書舊在平陽府見碑目

後晉榼山大雲禪院記

天福五年 今在沁水縣端氏鎮見碑目

後晉解律咸陽王廟記

天福五年 張榮撰今在沁水縣

後晉冷求開天竺路記

天福五年 李安書今在鳳臺縣並見碑目

後周龍泉禪院前後記

廣順二年 今在陽城縣

平津讀碑記前記爲澤州司法參軍徐綸述乾甯元年建

院勅額之由末題大周開基之二載歲直壬子蓋廣順二

《山西通志卷九十八

金石記十

三

年也記後有鄉貢進士王獻可後序述大周承祧之二祀

凡梵宇悉去無名是院以有乾甯賜額得存舊五代史顯

德二年五月甲戌詔諸道縣鎮村坊有勅額寺院一切仍

舊其無勅額者並仰停廢所述與史合

後周印法華經記

廣順三年 舊在臨汾縣見古林金石表

後周棲巖寺新修舍利塔殿經藏記

顯德六年 李榮撰張翥書今在永濟縣見金石文鈔

謹案碑後署翰忠保節功臣河中護國軍節度管内

觀察處置等使光祿大夫檢校太尉行河中尹兼衛

大夫上柱國清河郡開國侯食邑一千戶張鐸建鐸

宋史有傳河朔人仕漢歷周入宋終鄆州刺史撰書

人無考瑩結銜節度掌書記將仕郎試大理司直

宋棲巖寺四至記

咸平二年 今在永濟縣見金石存略

宋玉兔寺寶錄

景德二年 今在浮山縣見山石金石錄

宋折太君碑

大中祥符三年 今在保德州折溝村見金石錄

宋李將軍碑銘

天禧二年七月 今在介休縣下里侯村

謹案李將軍漢李陵也村有祠有墓蓋李氏居此者

爲之曹學博士勤云碑文駢體署前僞命省司別駕

徐贊撰前定州節度使孫鄉貢學究喬九成書學究

《山西通志卷九十八

金石記十

三

李化成篆碑陰題名多古村聚如板谷里侯神村水

谷諸名皆邑志所無撰文之徐贊蓋會仕北漢者故

有僞命字也

朱龍潭記

乾興元年 夏侯觀撰今在鳳臺縣見碑目

宋二賢祠碑

慶曆六年 黃載撰今在首陽山見金石存略

宋萬泉縣移修文宣王廟碑

至和元年 縣令趙瞻撰并書

存略碑陰有大觀二年呂從龍從重題名二十四字

宋司馬晉州待制哀詞

嘉祐元年十月 今在夏縣溫公祠堂見金石文鈔